

CONVENIO ENTRE A CONSELLERÍA DE CULTURA, LINGUA E XUVENTUDE DA XUNTA DE GALICIA E A FUNDACIÓN GONZALO TORRENTE BALLESTER PARA A REALIZACIÓN DE ACTIVIDADES CULTURAI

Dunha parte, José Carlos López Campos, na súa condición de conselleiro de Cultura, Lingua e Xuventude, en virtude do seu nomeamento mediante o Decreto 44/2024, do 14 de abril, no exercicio das atribucións que lle confire o artigo 34 da Lei 1/1983, do 22 de febreiro, reguladora da Xunta e a súa Presidencia.

Doutra, Fernanda Torrente Sanchez-Guisande, na súa calidade de presidenta do Padroado da Fundación, con CIF G 15702939, actuando en nome e representación da entidade, segundo as facultades que lle outorgan os seus estatutos, tal como figuran nos arquivos desta consellería.

Interveñen en función dos seus respectivos cargos e no exercicio das súas facultades que para convir no nome das entidades que representan teñen conferidas, e,

EXPOÑEN:

As dúas entidades son conscientes da necesidade de actuacións de carácter sociocultural que permitan unha adecuada oferta, co obxecto de satisfacer as necesidades en materia cultural.

A Xunta de Galicia ten atribuídas funcións en materia de fomento da cultura, de acordo co establecido no artigo 27.19º do Estatuto de Autonomía, en consonancia co estipulado no artigo 148.1º.17ª da Constitución Española. Dentro de ese ámbito competencial, a Consellería de Cultura, Lingua e Xuventude desenvolve unha serie de actuacións encamiñadas á divulgación, información e promoción da cultura, para achegar o máximo posible o noso patrimonio cultural á sociedade en xeral.

A Consellería de Cultura, Lingua e Xuventude quere acometer a realización de actividades de promoción e divulgación do patrimonio e da cultura galega; mediante a programación de actuacións de recuperación da nosa cultura preténdese acadar unha maior eficacia na consecución destes obxectivos, por medio do desenvolvemento de actividades culturais e de fomento da cultura en lingua galega.

Con este convenio asegúrase a realización de diversas manifestacións da cultura galega levadas a cabo por entidades que a queren dar a coñecer, mediante a súa promoción dentro e fóra do noso país, coa organización de actividades que permitan un maior coñecemento dela.

Entre os escritores españois do século XX, Gonzalo Torrente Ballester representa, ademais dunha das cimas da narrativa, a introdución da imaxinación na literatura en lingua española. O carácter intelectual e fantástico da súa obra, sumado á súa



esencial ironía, sempre acompañada polo poder creador do xogo, define unha produción literaria forxada desde a intelixencia e a constancia, que orixinan unha traxectoria baseada na coherencia como soporte básico.

Este creador polifacético, ensaísta, dramaturgo, xornalista, crítico literario e teatral, guionista cinematográfico e novelista, ademais de recoñecido intelectual e vocacional profesor, é o creador de obras fundamentais, e xa canónicas, da literatura española e, en boa parte delas, a Galicia real e mítica convértese no refuxio da emoción e no móbil da súa imaxinación.

A Fundación Gonzalo Torrente Ballester (FGTB), con sede en Santiago de Compostela, é a institución á que o escritor galego Gonzalo Torrente Ballester destinou o seu legado intelectual.

A Fundación Gonzalo Torrente Ballester foi declarada de interese cultural e de interese galego o 31 de xaneiro de 2001 (DOG número 35, con data de 19 febreiro de 2001, páxina 2.160). Foi adscrita no seu día á Consellería de Cultura, Comunicación Social e Turismo, actualmente Consellería de Cultura, Lingua e Xuventude.

A Fundación ten ademais carácter privado e sen ánimo de lucro.

Segundo consta no artigo 4 dos seus estatutos, o obxecto da Fundación é promover o estudo da obra de Gonzalo Torrente Ballester e a conservación do seu legado cultural e en concreto:

- a) Promocionar a investigación e o estudo da figura e da obra de Gonzalo Torrente Ballester.
- b) Contribuír á localización e a recuperación de toda a produción de autor, tanto a de carácter profesional ou público, como a de carácter privado ou persoal.
- c) Reunir o seu patrimonio bibliográfico e documental (manuscritos, fotografías etc.), o seu arquivo persoal a fin de garantir a súa permanencia no tempo e no espazo.
- d) Contribuír e participar no desenvolvemento humano, cultural e científico de Galicia, en particular, e de España, en xeral.
- e) Contribuír ao estudo do desenvolvemento cultural, político e social do tempo histórico que viviu [o fundador].

Neste ano 2025 a FGTB quere realizar as seguintes actuacións culturais:

- Exposición permente: GTB e a súa obra.
- Audio guía.
- Visitas guiadas e conferencias.



- Pak didáctico.
- Curso de escritura creativa.
- Taller de ilustración: O mundo de Domenica, conto de Gonzalo Torrente Ballester.
- Elaboración dunha nova web e identidade dixital da FGTB.
- Presentación das obras galarnoadas nos premios de novela Gonzalo Torrente Ballester.
- Comezo dos traballos de dixitalización e catalogación do arquivo sonoro da FGTB: Voces de Gonzalo Torrente Ballester.
- Xornadas de xornalismo e literatura.
- Traducción e edición multilingue da obra Compostela de Gonzalo Torrente Ballester.

A Consellería de Cultura, Lingua e Xuventude pretende colaborar coa Fundación Torrente Ballester para levar a cabo actividades culturais.

É intención da Fundación, abrir o edificio ao público regularmente nos meses de verán, durante unhas 16 horas á semana aproximadamente. Para ampliar as horas de apertura é preciso destinar os fondos que prevé financiar a Consellería a cubrir os gastos esenciais de funcionamento como son: subministracións de luz e auga, mantemento do ascensor, seguro responsabilidade civil e seguro do edificio, empresa de xestión cultural, gastos de xestión e notario, gastos bancarios e préstamos, impostos.

Por isto, para acadar unha maior eficacia na execución de actuacións, dado o interese común das partes asinantes, que teñen intereses coincidentes, é polo que asinan este convenio de colaboración, de acordo coas seguintes,

CLÁUSULAS

PRIMEIRA.- Obxecto e actuacións.

O convenio ten por obxecto establecer as condicións polas que se rexerá a colaboración entre a Consellería de Cultura, Lingua e Xuventude e a Fundación Torrente Ballester para levar a cabo actividades culturais.

Custo total das actuacións: 22.170 €

Gastos de funcionamento

Notario	1.000,00 €
Seguro responsabilidade civil	300,00 €



Intereses e gastos bancarios	1.900,00 €
Impostos	1.000,00 €
Xestoría	3.650,00 €
Luz	5.000,00 €
Auga e lixo	1.700,00 €
Ascensor	600,00 €
Recepcionista 4 meses a 16 h /semana	2.020,00€
Total	17.170,00 €

Gastos para actividades

Asesoramento cultural e realización de actividades	5.000,00 €
Total	5.000,00 €

Actividades Culturais:

1. EXPOSICIÓN PERMANENTE: GTB e a súa obra

O gran obxectivo da Fundación Gonzalo Torrente Ballester para 2025 é instalar unha exposición permanente nunha das súas plantas na que se repase a vida de Torrente Ballester e múltiples actividades, con parte dos obxectos e do abundante material bibliográfico, fotográfico, sonoro e documental que compoñen o seu legado. Quedarán as outras plantas para oficinas, almacenar o legado fundacional que consiste no arquivo persoal do fundador, a súa biblioteca, colección de aveños e obxectos persoais e fotografías. Realizaranse actividades temporais, presentacións de libros, talleres, seminarios, cursos e conferencias nas demais plantas, unha vez se complete a rehabilitación do edificio.

A exposición vai ser deseñada de tal maneira que se poida expoñer na sede da Fundación durante os meses de verán, cando a FGTB está aberta ao público e prestala, a institutos, centros culturais, universidades, etc. durante os meses de inverno cando a sede estea pechada.

A exposición Gonzalo Torrente Ballester, a travesía dun creador (no 25 aniversario da súa morte) será o xerme da nova exposición permanente na sede.

2. AUDIO GUIA

Preténdese realizar unha audioguía para acompañar a exposición permanente GTB e a súa obra, utilizando como base, algunhas das gravacións sonoras coa voz do fundador que temos depositadas na Fundación, para que os visitantes poidan acceder a ela a través do seu móbil.



En anos sucesivos e a medida que se vaia dixitalizando o material do arquivo sonoro da fundación, irase renovando a audioguía con novo material inédito.

3. VISITAS GUIADAS E CONFERENCIAS:

Realizaranse tamén visitas guiadas para grupos interesados.

4. PACK DIDACTICO: adaptado a distintas franxas de idade e coñecementos de literatura, para acompañar a mostra mentres itinera aos diferentes centros educativos. Este pack terá como obxectivo fundamental a difusión da obra do autor ás novas xeracións e a outros grupos interesados.

5. CURSO DE ESCRITURA CREATIVA NA FGTB. O curso centrarase no mundo narrativo dos contos e as historias, terreo que foi abundantemente traballado por Gonzalo Torrente Ballester. En concreto, traballarase a obra Como se foi Miguela.

Ribeira Fernández, acompañada puntualmente por María do Cebreiro, autora destacada e moi valorada polo público.

6. TALLER DE ILUSTRACION: O mundo de Domenica, conto de Gonzalo torrente Ballester. Obxectivos:

- -Achegar a obra de GTB ao público a través dun taller de ilustración baseado na súa obra "Doménica" impartido pola ilustradora da obra orixinal, Marabillas Delgado.
- -Fomentar a creatividade, desenvolver habilidades básicas de ilustración e comprender o proceso e o dialogo entre o texto e a ilustración, nun ambiente lúdico e motivador, que nos penetre no mundo imaxinario de GTB.

7. ELABORACION DUNHA NOVA WEB E IDENTIDADE DIXITAL DA FGTB: www.fgtb.org e www.fgtb.gal

8. PRESENTACION DAS OBRAS GALARDOADAS NOS PREMIOS DE NOVELA GONZALO TORRENTE BALLESTER

9- DIGITALIZACION E CATALOGACION DO ARQUIVO SONORO DA FGTB: Voces de Gonzalo Torrente Ballester.

Será un traballo de anos, pero esta actividade ten o propósito de dar a coñecer e poñer ao dispor de investigadores e estudiosos a figura e obra de GTB. Os documentos sonoros son as gravacións das súas notas de traballo en diferentes aparellos reprodutores adquiridos en distintas épocas.

O arquivo sonoro de Gonzalo Torrente Ballester proporcionará a investigadores, lectores e curiosos o raro privilexio de acceder non só ás súas notas de traballo na súa propia voz, senón tamén a oportunidade de penetrar no que poderíamos chamar



o taller do escritor, a fábrica das súas invencións desde o momento en que se orixinan ata o resultado final. Este proceso de elaboración, sempre complexo, inclúe idas e voltas, rectificacións continuas, desvelos e fracasos, éxitos e ideas truncadas.

A dixitalización deste arquivo facilitará o acceso a documentos extraordinarios xerados polo escritor ao longo da súa vida.

10. XORNADAS DE Xornalismo e Literatura en colaboración coa Fundación Pública Galega Camilo José Cela e a Fundación Carlos Casares.

11. TRADUCCION E EDICION MULTILINGUE da obra Compostela de Gonzalo Torrente Ballester.

O presente proxecto busca dar unha nova dimensión internacional á obra Compostela de Gonzalo Torrente Ballester a través da súa tradución e edición en múltiples idiomas. Co obxectivo de difundir o legado literario deste autor galego de renome mundial, o proxecto pretende achegar esta obra emblemática a un público máis amplo, celebrando a súa conexión coa cidade de Santiago de Compostela e explorando o seu valor cultural e literario.

A tradución desta obra promoverá un acceso máis global e diverso aos textos de Torrente Ballester, e preservará a esencia, as emocións e o estilo único do autor en diferentes linguas. Así, o proxecto tamén servirá de homenaxe a unha cidade cunha historia milenaria, un centro espiritual e cultural que a obra de Torrente Ballester representa dun modo excepcional.

A través da colaboración con expertos en tradución e edición literaria, este proxecto inclúe a elaboración de notas explicativas e unha edición coidada para conservar a autenticidade e profundidade da obra. Deste xeito, Compostela de Gonzalo Torrente Ballester poderá ser descuberta por novos lectores en todo o mundo, asegurando a proxección universal dunha das pezas máis significativas sobre a cidade final do camiño.

De acordo co artigo 26 da Lei de Subvencións non é posible promover a concorrência pública para a realización destas actividades por canto é a Fundación Torrente Ballester segundo consta nos seus estatutos, a que ten entre os seus obxectivos promover o estudo da obra de Gonzalo Torrente Ballester e a conservación do seu legado cultural e en concreto:

- a) Promocionar a investigación e o estudo da figura e da obra de Gonzalo Torrente Ballester.
- b) Contribuír á localización e a recuperación de toda a produción de autor, tanto a de carácter profesional ou público, como a de carácter privado ou persoal.



- c) Reunir o seu patrimonio bibliográfico e documental (manuscritos, fotografías etc.), o seu arquivo persoal a fin de garantir a súa permanencia no tempo e no espazo.
- d) Contribuír e participar no desenvolvemento humano, cultural e científico de Galicia, en particular, e de España, en xeral.
- e) Contribuír ao estudo do desenvolvemento cultural, político e social do tempo histórico que viviu [o fundador].

Por todo o anterior é a Fundación Torrente Ballester a que posúe a especificidade como beneficiaria así como a da actuación subvencionada e o interese social da axuda concedida.

Así mesmo e de acordo coa planificación estratéxica realizada pola Dirección Xeral de Cultura, para o ano 2025, e dada a especificidade e exclusividade das actividades a realizar baseadas en criterios obxectivos, a sinatura deste convenio encádrase dentro dos previstos nese plan.

SEGUNDA.- Obrigas da Fundación Torrente Ballester

A Fundación Torrente Ballester comprométese, pola súa parte, a facer constar en toda a publicidade que xeren estas actividades –tanto impresa como audiovisual- a colaboración Xunta de Galicia, para o que utilizará a normativa da imaxe corporativa da Xunta de Galicia. Así mesmo comprométese ao cumprimento das obrigas contidas na Lei 9/2007, do 13 de xuño, de subvencións de Galicia e en especial as recollidas no artigo 11 desta norma. Tamén será de aplicación o establecido no Decreto 11/2009, do 8 de xaneiro, en canto non se opoña á lexislación anterior. Con carácter supletorio, será de aplicación o disposto na Lei 38/2003 xeral de subvencións e no seu regulamento, aprobado polo Real Decreto 887/2006, do 21 de xullo.

A beneficiaria deberá dar cumprimento as obrigas de publicidade que se establecen o artigo 18 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

A beneficiaria ten a obriga de prestar colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas.

A Fundación deberá presentar certificacións acreditativas do cumprimento das obrigas tributarias, coa Seguridade Social e de non ter pendente de pagamento débedas coa Administración pública da comunidade autónoma.

A sinatura deste convenio implica, de ser o caso, a autorización á Consellería de Cultura, Lingua e Xuventude para solicitar as certificacións acreditativas de que se



atopa ao corrente das obrigas tributarias estatais e autonómica e da seguridade social, así como que non ten pendente de pagamento ningunha outra débeda, por ningún concepto coa Administración pública da Comunidade Autónoma de Galicia, de acordo co establecido no Regulamento (UE) 2016/679 de protección de datos, na Lei Orgánica 3/2018, de 5 de decembro, de protección de datos persoais e garantía dos dereitos dixitais, disposición adicional cuarta da Lei 40/1998, de 9 de decembro, do imposto sobre a renda das persoas físicas e outras normas tributarias, e demais disposicións de aplicación.

De acordo co artigo 10 da Lei 9/2007, do 13 de xuño, a beneficiaria deberá presentar unha declaración responsable de non estar incurso en ningunha das prohibicións para obter a condición de beneficiaria. Esta declaración deberá presentarse antes da sinatura do convenio.

A Fundación Torrente Ballester comprométese a destinar os fondos percibidos ao obxecto concreto para o que foron concedidos. A Consellería de Cultura, Lingua e Xuventude poderá comprobar, cando o considere pertinente, a execución das actividades obxecto deste convenio.

TERCEIRA.- Financiamento e compatibilidade

A Consellería de Cultura, Lingua e Xuventude comprométese a aboar a cantidade de 20.000 €, 15.000 € con cargo á aplicación orzamentaria 13.03.432B.481.2 e 5.000 € con cargo á aplicación orzamentaria 13.03.432B.781.1 dos orzamentos xerais da Comunidade Autónoma de Galicia para o ano 2025, código de proxecto 2015 00372.

Esta cantidade, 20.000 €, trátase dun importe certo, quedando por conta da beneficiaria a diferenza de financiamento necesario para a total execución da actividade subvencionada, debendo ser reintegrado o financiamento público unicamente no caso e polo importe que supere o custo total e real da actividade, segundo o establecido no artigo 21.2 do Regulamento de subvencións de Galicia.

Non se entenderá incumprida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no orzamento estimado na cláusula primeira, cando obedezan a razóns xustificadas e as actuacións que se levaran a cabo garden relación directa co obxecto do presente convenio.

Conforme o disposto no artigo 40.1.d) do Regulamento da Lei de subvencións de Galicia, a achega económica prevista no presente instrumento será compatible con outras subvencións, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea e/ou organismos internacionais.



De conformidade co artigo 17.3 da Lei 9/2007, do 13 de xuño, o importe da subvención en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custe da actividade subvencionada. En caso de superar procederá o reintegro do exceso obtido sobre o custo da actividade subvencionada así como a esixencia do xuro de demora correspondente.

CUARTA.- Xustificación dos gastos e pagamento

A xustificación do cumprimento das condicións impostas e do seu custo deberá levarse a cabo de acordo co previsto nos artigos 28 e seguintes da Lei 9/2007. A data tope de presentación da documentación xustificativa da actividade e, se fora o caso, da xustificación dos gastos que restasen por aboar ata acadar o 100% da contía concedida é o 30 de novembro de 2025.

A documentación requirida na fase xustificativa presentarase electronicamente na Carpeta do cidadán da persoa solicitante/representante, <https://sede.xunta.es/carpeta-do-cidadan>.

A Fundación presentará electronicamente a xustificación da subvención, coa data límite establecida e incluírá a seguinte documentación:

- Unha memoria de actuación xustificativa do cumprimento das condicións obxecto deste convenio, con indicación das actividades realizadas e dos resultados obtidos. Nesta memoria deberase indicar o número de asistentes.
- Unha memoria económica xustificativa do custo das actividades realizadas que conterá:
 - ✓ Unha relación clasificada dos gastos e investimentos da actividade, con identificación do acredor, do importe, data de emisión e data de pagamento.
 - ✓ As facturas ou documentos de valor probatorio equivalente incorporados na relación a que se fai referencia no parágrafo anterior e a documentación acreditativa do pagamento, dos gastos financiados con cargo á achega da consellería. .
- Unha relación detallada, se é o caso, doutros ingresos ou subvencións que financiasen a actividade subvencionada con indicación do importe e a súa procedencia. No caso de non ter solicitado e/ou non ter recibido outros ingresos ou subvencións que financiasen a actividade subvencionada, deberán de presentar unha declaración responsable neste sentido.



- Os tributos son gastos subvencionables cando o beneficiario da subvención os abone efectivamente. En ningún caso se consideran gastos subvencionables os impostos indirectos cando sexan susceptibles de recuperación ou compensación, nin os impostos persoais sobre a renda. Na xustificación deberase indicar si son ou non susceptibles de recuperación.

A presentación desta información é requisito imprescindible para a tramitación do pagamento, devolvendo toda a xustificación que non o cumpra.

En todo o relativo aos gastos subvencionables deberá cumprirse o disposto no artigo 29 da Lei 9/2007, de 13 de xuño, de subvencións de Galicia. Cando o importe do gasto subvencionable supere as contías establecidas na Lei de contratos do sector público, para o contrato menor, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a obra, a prestación do servizo ou a entrega do ben, salvo que polas súas especiais características non exista no mercado suficiente número de entidades que as realicen, presten ou subministren ou salvo que o gasto se realizara con anterioridade á solicitude da subvención.

Subcontratación:

Poderán ser obxecto de subcontratación, total ou parcial, as actividades subvencionadas a través deste convenio, tendo en conta o disposto nesta cláusula e de acordo co establecido no artigo 27 da Lei 9/2007, do 13 de xuño, de subvencións de Galicia. En todo caso queda fóra da subcontratación aqueles gastos nos que teña que incurrir a entidade para a realización por si mesma da actividade subvencionada.

De conformidade co previsto na Lei 9/2007, de subvencións de Galicia, para efectos desta xustificación consideraranse os gastos realizados durante o ano 2025, dende o 1 de xaneiro ata a data tope de xustificación da axuda, que respondan á natureza da actividade subvencionada.

No caso de que a Fundación non xustifique ou a xustificación sexa insuficiente, procederá o reintegro das cantidades percibidas e a esixencia do xuro de demora correspondente dende o momento do pagamento de subvencións ata a data na que se acorde a procedencia do reintegro.

Cando a actividade fose financiada ademais de con esta subvención con fondos propios ou con outras subvencións ou recursos, deberá acreditarse na xustificación o importe, a procedencia e a aplicación de tales fondos ás actividades subvencionadas.

QUINTA.- Pagamentos anticipados e á conta



Pagamentos anticipados: segundo o disposto no artigo 63.1 do Regulamento de subvencións de Galicia, poderanse conceder os seguintes anticipos:

- No caso da achega con cargo á aplicación orzamentaria 43.03.432B.481.2, poderanse solicitar e conceder pagos anticipados ata o 80% como máximo, 12.000 €.
- No caso da achega con cargo á aplicación orzamentaria 43.03.432B.781.1, poderanse solicitar e conceder pagos anticipados ata o 50% como máximo, 2.500 €.

No caso de que a Fundación solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

Pagamentos a conta: segundo o disposto no artigo 62 do Regulamento de Subvencións, poderanse conceder pagos a conta, que responderán ao ritmo de execución das actividades subvencionadas, aboándose pola contía equivalente á xustificación presentada.

O importe conxunto de pagos anticipados e de pagos a conta que se concedan non excederá do 80% da subvención: 16.000,00 €.

O artigo 65.1 do Regulamento de subvencións de Galicia establece que os beneficiarios están obrigados á constitución de garantías cando se preveza a posibilidade de realizar pagamentos á conta ou anticipados; o artigo 65.4.i) recolle que quedarán exonerados da constitución de garantía os beneficiarios das subvencións concedidas cando os pagamentos non superen os 18.000 €.

SEXTA.- Comisión mixta de seguimento

Créase unha comisión mixta de seguimento para aclarar as dúbidas derivadas da interpretación e execución deste convenio, formada polo director xeral de Cultura, da Consellería de Cultura, Lingua e Xuventude, e pola presidenta da Fundación Torrente Ballester

SÉTIMA.- Causas de resolución e modificación do convenio

O incumprimento de calquera das estipulacións deste convenio constituirá causa suficiente para a súa rescisión, e así mesmo procederá o reintegro da subvención cando concorra algunha das causas previstas no artigo 33 da Lei 9/2007, de 13 de xuño, de subvencións de Galicia.

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.



Segundo o disposto no artigo 31.4 da Lei 14/2013, do 26 de decembro, de racionalización do sector público autonómico:

"Os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sostenibilidade e financeira.

Ditas modificacións terán por obxecto a redución do volume das obrigas ou a ampliación do seu prazo de execución."

OITAVA.- Publicidade e rexistro do convenio

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Fundación acepta a remisión do convenio, logo da súa sinatura, ao Rexistro de Convenios da Xunta de Galicia.

De acordo co establecido no artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa, que introduciu diversas modificacións na Lei 38/2003, do 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, do 17 de novembro, xeral de subvencións, modificado polo artigo 30 da Lei estatal 15/2014, do 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, do 20 de xullo e no decreto 132/2006, do 27 de xullo.

NOVENA.- Protección de datos de carácter persoal e garantía dos dereitos dixitais.

As partes asinantes comprométese a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas



previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitais.

DÉCIMA.- Administración dixital.

As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitais que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

DÉCIMO PRIMEIRA.- Xurisdición.

En todo o non previsto no presente convenio será de aplicación a Lei 9/2007, do 13 de xuño, de subvencións de Galicia e a súa normativa de desenvolvemento. Aplicarase con carácter supletorio a Lei 38/2003, do 17 de novembro, xeral de subvencións.

Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestións litixiosas que poidan suscitarse como consecuencia del.

DÉCIMO SEGUNDA.- Notificación electrónica.

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa



Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

DÉCIMO TERCEIRA.- Vixencia.

O período de vixencia deste convenio será dende a súa sinatura e ata o 31 de decembro de 2025, sen prexuízo de que se subvencionen as actividades realizadas dende o 1 de xaneiro de 2025.

Ao estaren as dúas partes conformes co pactado, asinan telematicamente este convenio.

O conselleiro de Cultura, Lingua e Xuventude A presidenta do Padroado da Fundación
Torrente Ballester

José Carlos López Campos

Fernanda Torrente Sanchez-Guisande

